



Broj: 04-11-1137-4/24  
Goražde, 21.05.2024. godine

Na osnovu Odluke Vlade Bosansko-podrinjskog kantona Goražde o davanju saglasnosti na „Program za lovstvo za 2024. godinu“, broj: 03-11-1116/24 od 16.05.2024. godine, utvrđen u budžetu Bosansko-podrinjskog kantona Goražde za 2024. godinu, Ministarstvo za privredu Bosansko-podrinjskog kantona Goražde, **o b j a v l j u j e**:

**JAVNI POZIV  
za podnošenje projekata i zahtjeva za korištenje sredstava po  
Programu za lovstvo za 2024. godinu**

Pravo učešća putem projekata po ovom Javnom pozivu u okviru prvog posebnog cilja Programa - Održavanje i izgradnja lovno – tehničkih objekata (čeka, koliba, hladnjača za sabiralište odstrijeljene divljači, lovačkih kuća, lovačkih domova), imaju neprofitne organizacije - udruženja koja su korisnici lovišta na osnovu ugovora o zakupu i privredna društva kojima je lovište dato na koncesiju, sa područja Bosansko-podrinjskog kantona Goražde. Iznos sredstava koji može biti odobren od strane Ministarstva iznosi do 4.000,00 KM.

Pravo učešća putem zahtjeva po ovom Javnom pozivu u okviru drugog posebnog cilja Programa - Nabavka dodatnih količina hrane za prehranu divljači, apliciraju putem zahtjeva neprofitne organizacije-udruženja koja su korisnici lovišta na osnovu ugovora o zakupu i privredna društva kojima je lovište dato na koncesiju, sa područja Bosansko-podrinjskog kantona Goražde. Iznos sredstava koji može biti odobren od strane Ministarstva iznosi do 1.000,00 KM.

Opći uslovi za učestvovanje u programu su:

- da imaju ugovor o zakupu lovišta ili ugovor o koncesiji na lovište na području Bosansko-podrinjskog kantona Goražde,
- da imaju registraciju na prostoru Bosansko-podrinjskog kantona Goražde.

Posebni uslovi za učestvovanje u programu:

- da su namjenski utrošili sredstva odobrena od strane Vlade Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,
- da nemaju neizmirenih obaveza za poreze i doprinse osim obaveza koje su obuhvaćene ugovorom o reprogramiranju obaveza (izuzimajući indirektne poreze).

Neprofitne organizacije-udruženja koja su korisnici lovišta i privredna društva kojima je lovište dato na koncesiju mogu dostaviti maksimalno jedan prijedlog projekta i jedan prijedlog zahtjeva.

Aplikanti koji apliciraju sa projektima dužni su osigurati vlastito učešće u sufinansiranju projekta u iznosu minimalno 15 % od ukupne vrijednosti projekta.

Podnošenje prijedloga projekta i zahtjeva za sredstvima vrši se isključivo na aplikacionim obrascima propisanim od strane Ministarstva za privredu Bosansko-podrinjskog kantona Goražde, koji se elektronski popunjavaju.

Uz prijedlog projekata i zahtjeva neprofitne organizacije i privredna društva dostavljaju u originalu ili ovjerenoj kopiji slijedeću dokumentaciju:

- Ugovor o zakupu ili koncesiji na lovište,
- Dokaz o registraciji na području Bosansko-podrinjskog kantona Goražde od nadležnog organa,
- Uvjerenje o poreznoj registraciji-identifikacioni broj,
- Potvrda od banke o otvorenom žiro računu aplikanta,
- Uvjerenje o izmirenim poreskim obavezama na dan izdavanja uvjerenja izdato u 2024. godini (izuzimajući indirektne poreze),
- Uvjerenje o izmirenim porezima i doprinosima za zaposlenike na dan izdavanja uvjerenja izdato u 2024. godini (ukoliko nema zaposlenih dostavlja ovjerenu izjavu da nema uposlenih i neizmirenih obaveza),
- Bilans stanja i bilans uspjeha ovjeren od strane nadležne poreske uprave za prethodnu godinu (dostavljaju samo neprofitne organizacije),
- Narativni finansijski izvještaj za prethodnu godinu (dostavljaju samo neprofitne organizacije).

Aplikaciona forma zahtjeva i projekata objavljena je na Web stranici Vlade BPK-a Goražde.

Prijedlozi zahtjeva i projekata dostavljaju se Ministarstvu za privredu Bosansko-podrinjskog kantona Goražde do **10.06.2024. godine do 16.00 sati** na slijedeću adresu:

**Ministarstvo za privredu  
Bosansko – podrinjski kanton Goražde  
ul. Maršala Tita br. 5  
Goražde**

Sa naznakom:

**«NE OTVARAJ –PRIJAVA NA JAVNI POZIV ZA  
KORIŠTENJE SREDSTAVA PO PROGRAMU ZA LOVSTVO  
ZA 2024. GODINU»**

Detaljne informacije za podnošenje zahtjeva i projekata po Programu za lovstvo za 2024. godinu mogu se dobiti u Ministarstvu za privredu Bosansko-podrinjskog kantona Goražde na telefon broj:038/243 106.

